

摘藻堂四庫全書薈要

子部

欽定四庫全書叢要

子部

御纂醫宗金鑑卷六十二



詳校官主事臣陳木

欽定四庫全書薈要

御纂醫宗金鑑卷六十二

編輯外科心法要訣目錄

腫瘍主治類方

仙方活命飲

神授衛生湯

清熱消風散

乳香黃耆散

內疎黃連湯

回陽三建湯

竹葉黃耆湯

內消散

內固清心散

琥珀蠟礬丸

護心散

透膿散

托裏消毒散

神功內托散

復元通氣散

雙解貴金丸

黍米寸金丹

麥靈丹

保安萬靈丹

腫瘍敷貼類方

如意金黃散

五龍膏

四虎散

真君妙貼散

二青散

坎宮錠子

離宮錠子

白錠子

蝌蚪拔毒散

二味拔毒散

回陽玉龍膏

沖和膏

鐵桶膏

烏龍膏

神效千捶膏

馬齒莧膏

潰瘍主治類方

四君子湯

四物湯

八珍湯

十全大補湯

人參養榮湯

內補黃耆湯

異功散

理中湯

六君子湯

香砂六君子湯

托裏定痛湯

聖愈湯

柴胡四物湯

地骨皮飲

知藥四物湯



三黃四物湯

補中益氣湯

人參黃耆湯

獨參湯

溫胃飲

橘皮竹茹湯

胃愛丸

二神丸

加味地黃丸

參朮膏

八仙糕

洗滌類方

葱歸溺腫湯

艾茸敷法

豬蹄湯

膏藥類方

萬應膏

紺珠膏

陀僧膏

巴膏

亞聖膏

絳珠膏

絳紅膏

加味太乙膏

白膏藥

化腐紫霞膏

貝葉膏

碧螺膏

麻藥類方

瓊酥散

整骨麻藥

外敷麻藥

去腐類方

白降丹

紅升丹

元珠膏

生肌類方

生肌定痛散

輕乳生肌散

薑礬散

腐盡生肌散

月白珍珠散

五色靈藥

生肌玉紅膏

瑩珠膏

呂祖一枝梅



欽定四庫全書薈要卷一萬五百十六

子部

御纂醫宗金鑑卷六十二

編輯外科心法要訣

腫瘍主治類方

仙方活命飲

此方治一切癰疽不論陰陽瘡毒未成者即消已成者即潰化膿生肌散瘀消腫乃瘡癰之聖藥誠外科之首方也故名之曰仙方活命飲

穿山甲

三大片  
炒

皂刺

五分

歸尾

一錢  
五分

甘草節

一錢

金銀花

二錢

赤芍藥

五分

乳香

五分

沒藥

五分

花粉

一錢

防風

七分

貝母

一錢

白芷

一錢

陳皮

一錢  
五分

右十三味好酒煎服恣飲盡醉

方歌仙方活命飲平劑瘡毒癰疽俱可醫未成即消疼

腫去已成膿化立生肌穿山皂刺當歸尾草節金銀赤芍宜乳沒天花防貝芷陳皮好酒共煎之

### 神授衛生湯

此方治癰疽發背疔瘡對口一切丹瘤惡毒諸證服之宣熱散風行瘀活血消腫解毒疏通藏府乃表裏兩實之劑功效甚速

皂角刺 一錢

防風 六分

羌活 八分

白芷 六分

穿山甲 六分  
炒

連翹 六分

歸尾 一錢

乳香 五分

沉香 六分

金銀花 一錢

石決明 六分

天花粉 一錢

甘草節 一錢

紅花 六分

大黃 二錢  
酒拌炒

右十五味水二碗煎八分病在上部先飲酒一杯

後服藥病在下部先服藥後飲酒一杯以行藥力  
如氣虛便利者不用大黃

方歌神授衛生表裏劑癰疽諸瘡惡毒良行瘀活血兼

消腫表裏疎通實劑方皂刺防風羌芷甲連翹歸  
尾乳沉香金銀石決天花粉甘草紅花共大黃

### 清熱消風散

此方治癰疽瘡腫已成未成之際無表無裏故外不  
惡寒內不便秘惟紅腫焮痛高腫有頭者宜服此藥

以和解之也

皂角刺 一錢

防風 五分

陳皮 一錢

連翹 一錢  
去心

花粉 五分

柴胡 一錢

黃芩 五分

川芎 五分

白芍 五分

甘草 五分

當歸 五分

黃耆 一錢

金銀花 五分

蒼朮 一錢  
炒

紅花一錢

右十五味水二鍾煎八分食遠服

方歌清熱消風無表裏癰疽諸毒和解方皂刺防風陳

翹粉柴苓芍芍草耆當銀花蒼朮紅花入婦女還

加香附良

若婦人加香附子用童便炒

乳香黃耆散

此方治癰疽發背諸毒疔瘡疼痛不可忍者乃氣虛

不勝毒之故也服之未成即消已成即潰不用刀砭惡肉自脫并治打撲損傷筋骨疼痛之證

當歸一錢

白芍一錢  
炒

人參一錢

生黃耆一錢

川芎一錢

熟地一錢

乳香五分

沒藥五分

陳皮一錢

粟殼一錢  
去筋膜蜜炙

甘草節一錢

右水二鍾煎八分量病上下食前後服之

方歌乳香黃耆治氣弱癰疽諸毒痛難當未成即消已

成潰歸芍參耆芎地黃乳沒粟陳甘草節更醫打  
撲筋骨傷

### 內疎黃連湯

此方治癰疽陽毒在裏火熱發狂發熱二便秘澀煩  
躁嘔噦舌乾口渴飲冷等證六脈沉數有力者急宜  
服之以除裏熱

山梔一錢

連翹一錢

薄荷一錢

甘草五分

黃芩一錢

黃連一錢

桔梗一錢

大黃二錢

當歸一錢

白芍一錢  
炒

木香一錢

檳榔一錢

右水二茶鍾煎八分食前服加蜜二匙亦可

歌方內疎黃連瀉裏熱癰瘡毒火陽盛狂腫硬發熱二

便秘煩躁乾嘔渴飲涼梔翹薄草芥連桔大黃歸  
芍木檳榔

# 回陽三建湯

此方治癰疽發背初起不疼不腫不紅不熱堅如頑  
石硬若牛皮體倦身涼脈息遲細色似土硃粟頂多  
孔孔流血根脚平散軟陷無膿皮不作腐頭溫足  
涼者並急服之

人參一錢

附子一錢

當歸一錢

川芎一錢

甘草五分

茯苓一錢

生黃耆一錢

枸杞一錢

紅花五分

紫草五分

獨活五分

陳皮一錢

蒼朮五分

厚樸五分

木香五分

山萸肉一錢

右十六味加煨薑三片皂角樹根上白皮二錢水

二碗煎八分入酒一杯隨病上下食前後服之用  
棉帛覆蓋瘡上常令溫暖不得大開瘡孔走泄元  
氣為要

方歌

回陽三建治陰疽體倦身涼脈細遲不腫不疼不

紅熱堅如頑石硬如皮根平軟陷無膿腐參附歸  
芎草茯苓枸杞紅花與紫草獨陳蒼朮木山萸

# 竹葉黃耆湯

此方治癰疽發背諸般疔毒表裏不實熱甚口中乾

大渴者服之生津止渴

人參八分

生黃耆八分

石膏

煨八分

半夏

製八分

麥冬八分

生地二錢

白芍八分

甘草八分

川芎八分

當歸八分

竹葉十片

黃芩八分

右十二味水二鍾薑三片燈心二十根煎八分食

遠溫服

方歌竹葉黃耆口乾渴清熱補正助生津參耆膏夏麥

冬地芍草芎歸竹葉苓

內消散

此方治癰疽發背對口疔瘡乳癰無名腫毒一切惡瘡能令癰腫內消使毒內化尿色赤污從小便而出勢大者雖不全消亦可轉重為輕移深居淺

知母一錢

貝母一錢

花粉一錢

乳香一錢

半夏一錢

白及一錢

穿山甲一錢

皂刺一錢

銀花一錢

右九味水酒各一碗煎八分隨病上下食前後服  
之留藥渣搗爛加秋芙蓉葉一兩研為細末再加  
白蜜五匙用渣調敷瘡上一宿即消重者再用一  
服

方內消散用化諸毒毒化從尿色變行知貝天花乳

夏及穿山角刺共金銀藥渣搗和芙蓉葉白蜜調敷毒即平

已上諸方治癰疽七日以前瘡勢未成形體壯實而表裏之證相和者宜服病退即止如過七日以後形勢已成則宜托裏消毒等湯使毒現於外以速其膿若仍用前散下之藥恐傷元氣致生變證也

內固清心散

此方治癰疽發背對口疔瘡熱甚掀痛煩躁飲冷其  
人內弱服之預防毒氣內攻於心也

萊豆粉 二兩

人參 二錢

冰片 一錢

雄黃 二錢

辰砂 二錢

白豆蔻 二錢

元明粉 二錢

茯苓 二錢

甘草 二錢

乳香 二錢

右十味為細末每服一錢五分蜜湯調下不拘時服

方歌

內固清心防毒攻內弱毒氣入心中掀痛熱甚兼  
飲冷豆粉人參冰片雄辰砂白蔻元明粉茯苓甘

草乳香同

琥珀蠟礬丸

此方治癰疽發背瘡形已成而膿未成之際其人即  
不虛弱恐毒氣不能外出內攻於裏預服此丸護膜

護心亦且活血解毒

黃蠟一兩

白礬一兩  
二錢

雄黃一錢  
二分

琥珀一錢  
另研極細

硃砂一錢  
研細

白蜜二錢

右上四味先研細末另將蠟蜜入銅杓內溶化離火片時候蠟四邊稍凝方將藥味入內攪勻共成一塊將藥火上微烘急作小丸如菜豆大硃砂為衣磁罐收貯每服二三十九食後白湯送下毒甚

者早晚服其功最速

方琥珀蠟礬治癰毒未出膿時平劑佳預服護膜能

解毒蠟礬雄珀蜜硃砂

護心散

此方治瘡毒內攻口乾煩躁惡心嘔吐者服此藥護

心解毒也

菜豆粉一兩

乳香三錢  
淨末

硃砂一錢

甘草一錢

右四味研細末每服二錢白滾湯調服早晚二次

方歌護心散治毒內攻煩躁口乾嘔逆冲豆粉乳香硃

共草二錢調下有神功

透膿散

此方治癰疽諸毒內膿已成不穿破者服之即潰破  
毒出

生黃耆 四錢

穿山甲 一錢

川芎 三錢

當歸 二錢

皂角刺

一錢五分

右五味水三鍾煎一鍾瘡在上先飲酒一杯後服藥瘡在下先服藥後飲酒一杯

方歌

透膿散治膿已成不能潰破劑之平用此可代鍼

瀉毒角刺歸耆山甲芎

托裏消毒散

此方治癰疽已成內潰遲滯者因血氣不足不能助其腐化也宜服此藥托之令其速潰則腐肉易脫而

新肉自生矣

皂角刺 五分

銀花 一錢

甘草 五分

桔梗 五分

白芷 五分

川芎 一錢

生黃耆 一錢

當歸 一錢

白芍 一錢

白朮 一錢

人參 一錢

茯苓 一錢

右十二味水二鍾煎八分食遠服

方歌托裏消毒助氣血補正脫腐肌易生皂角銀花甘

桔芷芎耆歸芍朮參苓

神功內托散

此方治癰疽腦頂諸發等瘡日久不腫不高不能腐潰脈細身涼宜服此溫補托裏之劑以助氣血也

人參

一錢五分

附子

一錢製

川芎

一錢

歸身

二錢

黃耆

一錢

白朮

一錢五分土炒

白芍一錢

木香五分  
研

穿山甲

炒八分

甘草

五分  
炙

陳皮一錢

白茯苓一錢

右十二味煨薑三片大棗二枚水二茶鍾煎八分

食遠服

方歌神功內托陰毒證不腫不高不潰疼參附芎歸耆

朮芍木香山甲草陳苓

復元通氣散

此方治乳癰腹癰便毒耳痛耳聾等證皆由毒氣滯塞不通故耳服之則氣通毒散

青皮

四兩

陳皮

四兩

枯薑仁

二兩

穿山甲

二兩

金銀花

一兩

連翹

一兩

甘草

二兩

半生半炙

右七味研末每服二錢黃酒調下

方歌復元通氣乳腹癰便毒兼治耳痛聾青陳薑甲銀

翹草一服能教毒氣通

雙解貴金丸

此方治背疽諸毒初起木悶堅硬便秘衄沉實者悉效隨證加藥服法列後

生大黃

一觔

白芷

十兩

右二味為末水丸每服三五錢五更時用連鬚葱大者三根黃酒一碗煮葱爛取酒送藥服畢蓋臥出汗過三二時俟大便行一二次立效

按此宣通攻利之劑也濟之以葱酒力能發汗故云  
雙解弱者隨用中劑行後以四君子湯補之老人  
虛人每服一錢用人參加生薑煎湯送下過一時  
再一服得睡上半身得汗則已

方歌

雙解貴金治諸毒腫瘍初起木硬堅大黃白芷為  
丸服葱酒煎送汗下痊

### 黍米寸金丹

此方乃異人所傳常有暴中急證忽然卒倒者撬開

牙關研灌三丸其人即活又能治發背癰疽徧身壅腫附骨癰疽等證也凡初起憎寒壯熱四肢倦怠沉重者不分表裏老幼輕重並宜服之

乳香

沒藥 各一錢

狗膽

一個乾者

鯉魚膽

三個陰乾

硃砂

二錢

蟾酥

二錢

狗寶

一錢

麝香

五分

白丁香

四十個

蜈蚣

全者七條酥炙

黃蠟三錢

烏金石一錢

頭胎男乳

輕粉一錢

雄黃一錢

水銀煉粉霜白色者三錢

右十六味為細末除黃蠟乳汁二味熬成膏子同藥和丸如菜豆大小兒用一九大人三九重者五丸冷病用葱湯熱病用新汲水送下衣被密蓋勿令透風汗出為度諸病如失

方歌黍米寸金奇效方癰疽發背服之良乳香沒藥狗

鯉膽蟾砲寶麝白丁香蜈蚣黃蠟烏金石男乳輕  
雄共粉霜

麥靈丹

此丹能治癰疽惡毒無名諸瘍及疔瘡回裏令人煩  
悶神昏或婦人初發乳證小兒痘疹餘毒或腰腿暴  
痛等證

鮮蟾酥 二錢

活蜘蛛 二十一個  
黑色大者佳

定心草

一錢即兩  
頭尖鼠糞

飛羅麩

六兩

右四味共研一處用菊花熬成稀膏和好撚為麥  
子形如麥子大每服七丸重大者九丸小兒輕證  
五丸在上俱用滾白水服在下用淡黃酒送服每  
一料加麥子一合收磁罐內

方歌麥靈丹治疔毒疽鮮蟾酥與活蜘蛛定心草共飛

羅麪黃菊熬膏相合宜

保安萬靈丹

此方治癰疽疔毒對口發頤風寒濕痺濕痰流注附

骨陰疽鶴膝風及左癱右瘓口眼歪斜半身不遂血氣凝滯偏身走痛步履艱辛偏墜疝氣偏正頭痛破傷風牙關緊閉截解風寒無不應效

茅山蒼朮

八兩

麻黃

羌活

荊芥

防風

細辛

川烏

湯泡  
去皮

草馬

湯泡  
去皮

川芎

石斛

全蠍

當歸

甘草

天麻

何首烏

各一兩

雄黃

六錢

右十六味為細末煉蜜為丸重三錢硃砂為衣磁  
罐收貯視年歲老壯病勢緩急斟酌用之如惡瘡  
初起二三日間或癰疽已成至十日前後未出膿  
者狀若傷寒頭痛煩渴拘急惡寒肢體疼痛惡心  
嘔吐四肢沉重恍惚悶亂皮膚壯熱及傷寒四時

感冒傳變疫證惡寒身熱俱宜服之用葱白九枝  
煎湯調服一丸蓋被出汗為效如汗遲以葱湯催  
之其汗必出如淋如洗令其自收不可露風患者  
自快瘡未成者即消已成者即高腫潰膿如病無  
表裏相兼不必發散只用熱酒化服又按此方原  
載諸風癰瘡門中今移錄於此者蓋瘡瘍皆起於  
榮衛不調氣血凝滯始生癰腫此藥專能發散又  
能順氣搜風通行經絡所謂結者開之也經云汗

之則瘡已正與此相合也服後當避風忌冷物戒房事如婦人有孕者勿服

方歌

萬靈丹治諸痺病此藥猶能治腫瘍發表毒邪從汗解通行經絡效非常麻黃羌活荆防細川草烏芎石斛蒼全蠍當歸甘草等天麻何首共雄黃腫瘍敷貼類方

凡腫瘍初起時腫高赤痛者宜敷涼藥以寒勝熱也然亦不可太過過則毒為寒凝變為陰證如漫

腫不紅似有頭而不痛者宜敷溫藥乃引毒外發也經云發表不遠熱敷熱藥亦發表之意凡調敷藥須多攪則藥稠黏敷後貼紙必須撕斷則不崩裂不時用原汁潤之蓋借濕以通竅乾則藥氣不入更添拘急之苦矣凡去敷藥必看毛孔有汗意者為血脈通熱氣散也反此者逆

如意金黃散

此散治癰疽發背諸般疔腫跌撲損傷濕痰流毒大

頭時腫漆瘡火丹風熱天泡肌膚赤腫乾濕脚氣婦  
女乳癰小兒丹毒凡一切諸般頑惡熱瘡無不應效  
誠瘡科之要藥也

南星

陳皮

蒼朮

各二觔

黃蘗

五觔

薑黃

五觔

甘草

二觔

白芷

五觔

上白天花粉

十觔

厚朴

二觔

大黃

五觔

右十味共為咀片晒乾磨三次用細絹羅篩貯磁

罐勿泄氣凡遇紅赤腫痛發熱未成膿者及夏月

時俱用茶清同蜜調敷如欲作膿者用葱湯同蜜

調敷如漫腫無頭皮色不變濕痰流毒附骨癰疽

鶴膝風等證俱用葱酒煎調敷如風熱所生皮膚

亢熱色亮遊走不定俱用蜜水調敷如天泡火丹

赤遊丹黃水漆瘡惡血攻注等證俱用大藍根葉

搗汁調敷加蜜亦可湯潑火燒皮膚破爛麻油調

敷已上諸引調法乃別寒熱溫涼之治法也

方歌如意金黃敷陽毒止痛消腫實良方南陳蒼蘘薑

黃草白芷天花朴大黃

五龍膏

此膏治癰疽陰陽等毒腫痛未潰者敷之即拔出膿

毒

五龍草

即烏蘘葍詳本草綱目蔓草部俗名五爪龍江浙多產之

金銀花

豨薟草

車前草

連根葉

陳小粉

各等分

右四味俱用鮮草葉一處搗爛再加三年陳小粉并飛鹽末二三分共搗為稠糊徧敷瘡上中留一頂用膏貼蓋避風為主若冬月草無鮮者預採蓄下陰乾為末用陳米醋調敷一如前法并效如此方內五龍草或缺少不便倍加豨薟草亦效

方歌

五龍膏用拔膿毒平劑五龍草銀花豨草車前俱搗爛小粉飛鹽攪糊搽

四虎散

此散治癰疽腫硬厚如牛領之皮不作膿腐者宜用此方

草烏

狼毒

半夏

南星

各等分

右四味為細末用猪腦同搗徧敷瘡上留頂出氣  
方歌四虎散敷陰疽癰頑腫不痛治之平厚似牛皮難

潰腐草烏狼毒夏南星

真君妙貼散

此散治癰疽諸毒頑硬惡瘡散漫不作膿者用此藥  
敷之不痛者即痛痛者即止如皮破血流濕爛疼苦  
天泡火丹肺風酒刺等證并用之皆效

蕎麥五觔

明淨硫黃十觔  
為末

白麵五觔

右三味共一處用清水微拌乾濕得宜趕成薄片  
微晒單紙包裹風中陰乾收用臨時研細末新汲

水調敷如皮破血流濕爛者用麻油調敷天泡火  
丹酒刺者用靛汁調搽并效

方歌真君妙貼硫二麯水調頑硬不痛膿油調濕爛流

血痛靛汁泡丹酒刺風

## 二青散

此散治一切陽毒紅腫疼痛暑熱等證未成者即消

青黛

黃蘗

白欬

白薇

各一兩

青露

三兩  
即芙蓉葉

白及

白芷

水龍骨

即多年鱗  
船舊油灰

白鮮皮

各一兩

天花粉

三兩

大黃

四兩

朴消

一兩

右十二味為末用醋蜜調敷已成者留頂未成者

徧敷

方歌

二青散用敷陽毒腫痛紅熱用之消黛蘖欽薇青

露及芷龍鮮粉大黃消

坎宮錠子

此錠子治熱毒腫痛焮赤諸瘡并搽痔瘡最效

京墨 一兩

胡黃連 二錢

熊膽 三錢

麝香 五分

兒茶 二錢

冰片 七分

牛黃 三分

右七味為末用豬膽汁為君加生薑汁大黃水浸  
取汁釀醋各少許相和藥成錠用凉水磨濃以筆

蘸塗之

方歌坎宮錠子最清涼熱腫諸瘡并痔瘡京墨胡連熊

膽麝兒茶冰片共牛黃

離宮錠子

此錠子治疔毒腫毒一切皮肉不變漫腫無頭捺之

立效

血竭

三錢

硃砂

二錢

膽礬

三錢

京墨

一兩

蟾酥 三錢

麝香 一錢  
五分

右六味為末凉水調成錠凉水磨濃塗之

方歌離宮錠治諸疔毒漫腫無頭凉水塗血竭硃砂為

細末膽礬京墨麝蟾酥

白錠子

此錠專敷初起諸毒癰疽疔腫流注痰包惡毒及耳  
痔耳挺等證

白降丹

四錢  
即白靈藥

銀點 二錢

寒水石 二錢

人中白 二錢

右四味共為細末以白及麵打糊為錠大小由人  
不可入口每用以陳醋研敷患處如乾再上自能  
消毒

方歌白錠專敷初起毒癰疽疔腫與痰包降丹銀黥人

中白寒水白及醋研消

蚪蚪拔毒散

此散治無名大毒一切火毒瘟毒敷之神效

寒水石

研極細末

淨皮硝

研極細末

川大黃

各等分研極細末

蝦蟆子

初夏時河內有蚪蚪成羣大頭長尾者撈來收罈內泥封口埋至秋天化成水

右用蚪蚪水一大碗入前藥末各二兩陰乾再研

勻收磁罐內每用時以水調塗患處

方歌拔毒散治無名毒火毒瘟毒俱可施寒水硝黃蚪

蚪水浸乾藥末水調之

二味拔毒散

此散治風濕諸瘡紅腫痛癢疥癬等疾甚效

明雄黃

白礬

各等分

右二味為末用茶清調化鷲翎蘸掃患處癢痛自止紅腫即消

方歌二味拔毒消紅腫風濕諸瘡痛癢寧一切肌膚疥癬疾雄礬為末用茶清

回陽玉龍膏

此膏治癰疽陰瘡不發熱不舉痛不腫高不作膿及

寒熱流注冷痛痺風脚氣手足頑麻筋骨疼痛及一切皮色不變漫腫無頭鶴膝風等證但無肌熱者一槩敷之俱有功效

軍薑

炒三兩

肉桂 五錢

赤芍

炒三兩

南星 一兩

草烏

炒三兩

白芷 一兩

右六味製畢共為細末熱酒調敷

方歌 回陽玉龍陰毒證不熱不疼不腫高軍薑桂芍星

烏芷研末須將熱酒調

冲和膏

此膏治癰疽發背陰陽不和冷熱相凝者宜用此膏  
敷之能行氣疎風活血定痛散瘀消腫祛冷輭堅誠  
良藥也

紫荊皮

炒五兩

獨活

炒三兩

白芷

三兩

赤芍

炒二兩

石菖蒲

一兩  
五錢

右五味共為細末葱湯熱酒俱可調敷

方歌冲和發背癰疽毒冷熱相凝此藥敷行氣疎風能

活血紫荊獨芷芍菖蒲

鐵桶膏

此膏治發背將潰已潰時根脚走散瘡不收束者宜  
用此藥圍敷

膽礬

三錢

銅綠

五錢

麝香

三分

白及

五錢

輕粉二錢

鬱金二錢

五倍子

一兩  
微炒

明礬四錢

右八味共為極細末用陳米醋一碗杓內慢火熬至一小杯候起金色黃泡為度待溫用藥末一錢攪入醋內炖溫用新筆塗於瘡根周圍以棉紙覆蓋藥上瘡根自生絢紋漸收漸緊其毒不致散大矣

方歌鐵桶膏收毒散大周圍敷上束瘡根膽礬銅綠及

輕粉五倍明礬麝鬱金

烏龍膏

此膏治一切諸毒紅腫赤暈不消者用此藥敷上極有神效

木鱉子

二兩  
去殼

草烏 半兩

小粉 四兩

半夏 二兩

右四味於鐵銚內慢火炒焦黑色為度研細以新汲水調敷一日一換自外向裏塗之須留瘡頂令

出毒氣

方歌烏龍膏用治諸毒赤暈能收治腫瘍木鱉草烏小

粉夏凉水調敷功效良

神效千槌膏

此膏專貼瘡瘍疔毒初起貼之即消治癰瘰連根拔  
出大人賺瘡小兒螳拱頭等證並效

土木鱉

五個  
去殼

白嫩松香

四兩  
揀淨

銅綠

一錢  
研細

乳香

二錢

沒藥二錢

蓖麻子 七錢 去殼

巴豆肉 五粒

杏仁一錢  
去皮

右八味合一處石臼內搗三千餘下即成膏取起  
浸涼水中用時隨瘡大小用手捻成薄片貼瘡上  
用絹蓋之

方歌  
千槌膏貼諸疔毒癰癤  
臙瘡螳拱頭木鱉松香銅  
乳沒蓖麻巴豆杏仁投

馬齒莧膏

馬齒莧性味清涼能解諸毒今用此一味或服或敷甚有功效所治諸證列後

一治楊梅徧身如癩喉硬如管者取莧碗粗一握酒水煎服出汗

一治發背諸毒用莧一握酒煎或水煮冷服出汗再服退熱去腐三服即愈并杵莧敷之

一治多年頑瘡膿瘡疼痛不收口者杵莧敷之取蟲一日一換三日後腐肉已盡紅肉如珠時換生肌

藥收口

一治面腫唇緊搗汁塗之

一治婦女臍下生瘡痛癢連及二陰者用莧四兩青  
黛一兩研勻敷之

一治濕癬白禿取石灰末炒紅用莧汁熬膏調勻塗  
之

一治丹毒加藍靛根和搗敷之

方歌  
馬齒莧膏只一味楊梅發背服敷之頑瘡面腫搗

汁用婦女陰瘡共黛施濕癬白禿加灰末丹毒藍

根相和宜

潰瘍主治類方

四君子湯

人參

茯苓

白朮

各二錢  
土炒

甘草

一錢

右四味薑三片棗二枚水煎服

四物湯

川芎

一錢五分

當歸

三錢酒洗

白芍

二錢炒

地黃

三錢

右四味水煎服

八珍湯

人參

一錢

茯苓

一錢

白朮

一錢五分

甘草

五分炒

川芎

一錢

當歸

一錢

白芍

一錢炒

地黃

一錢

右八味水煎服

十全大補湯

於八珍湯內加黃耆肉桂水煎服

人參養榮湯

於十全大補湯內去川芎加陳皮遠志五味子水煎服

內補黃耆湯

於十全大補湯內去白朮加遠志麥門冬水煎服

按

四君子湯補氣不足者也四物湯補血不足者也  
八珍湯雙補血氣不足者也十全大補湯大補氣  
血諸不足者也人參養榮湯去川芎者因面黃血  
少加陳皮以行氣之滯五味子以收斂氣血遠志  
以生心血也內補黃耆湯治潰瘍口乾去白朮者  
避其燥能亡津也加遠志麥冬者以生血生津也  
如痛者加乳香沒藥以定痛硬者加穿山甲皂角  
刺以消硬也已上諸方凡癰疽潰後諸虛者悉準

於此當隨證酌用之

方歌四君參苓白朮草四物芎歸芍地黃二方雙補八  
珍是更加耆桂十補湯榮去芎加陳遠味內去朮  
加遠冬良痛甚乳沒硬穿皂潰後諸虛斟酌方

異功散

人參 二錢

白朮 二錢  
土炒

茯苓 一錢

甘草 五分  
炙

陳皮 五分

右五味薑三片棗二枚水煎服

理中湯

人參二錢

白朮

土炒三錢

乾薑一錢

甘草

炙五分

右四味水煎服

六君子湯

人參二錢

白朮

土炒二錢

茯苓一錢

甘草

炙一錢

陳皮一錢

半夏一錢五分

右六味薑三片棗二枚水煎服

香砂六君子湯

人參一錢

白朮二錢  
土炒

茯苓一錢

甘草五分  
炙

藿香一錢  
或木香

陳皮一錢

半夏一錢五分  
製

砂仁五分

右八味薑三片水煎服

按

四君子湯加陳皮名異功散潰後脾虛氣滯者宜之  
四君子湯減茯苓加乾薑名曰理中湯潰後脾  
虛寒滯者宜之蓋氣虛則陽虛陽虛生寒故於補  
氣藥中加溫熱之味也四君子湯加陳皮半夏名  
六君子湯潰後氣虛有痰者宜之六君子湯加霍  
香或木香砂仁名香砂六君子湯潰後胃虛痰飲  
嘔吐者宜之無痰飲氣虛嘔逆甚者加丁香沉香  
潰後氣虛有寒加肉桂附子潰後瀉者加訶子肉

豆蔻腸滑不固加鷺粟殼食少咳嗽者加桔梗麥  
冬五味子渴者加乾葛傷食脾胃虛弱加山查神  
麴穀芽或麥芽此皆潰後氣不足者以四君子湯  
為主隨證加減也

方歌四君加陳異功散理中減苓加乾薑有痰陳半六

君子嘔吐砂仁木藿香逆加丁沉寒桂附瀉加訶  
蔻粟滑腸咳桔冬味渴加葛傷食查麴穀麥良

托裏定痛湯

於四物湯內加肉桂乳香沒藥粟殼水煎服

聖愈湯

於四物湯內加柴胡人參黃耆水煎服

柴胡四物湯

於四物湯內加柴胡人參黃芩半夏甘草水煎服

地骨皮飲

於四物湯內加丹皮地骨皮

知藥四物湯

於四物湯內加知母黃蘗

三黃四物湯

於四物湯內加黃連黃芩黃蘗

按  
托裏定痛湯潰後血虛疼痛者宜之聖愈湯潰後  
血虛內熱心煩氣少者宜之柴胡四物湯潰後血  
虛有寒熱者宜之地骨皮飲潰後不寒者宜之知  
藥四物湯潰後五臟陰火骨蒸者宜之三黃四物  
湯潰後六腑陽火煩熱者宜之蓋血虛則陰虛陰

虛生熱故補血藥中多加寒涼之味也此皆潰後血不足者以四物湯為主隨證加減也

方歌

四物加桂乳沒栗托裏定痛功效奇聖愈四物參耆入血虛血熱最相宜血虛寒熱小柴合惟熱加丹地骨皮陽火煩熱三黃合陰火骨蒸加蘼知

### 補中益氣湯

補中益氣湯治瘡瘍元氣不足四肢倦怠口乾時熱飲食無味脈洪大無力心煩氣怯者俱宜服之

人參一錢

當歸一錢

生黃耆二錢

白朮一錢  
土炒

升麻三分

柴胡三分

甘草一錢  
炙

麥冬一錢  
去心

五味子五分  
研

陳皮五分

右十味水二鍾薑三片棗二枚煎一鍾空心熱服  
人參黃耆湯

治潰瘍虛熱不睡少食或寒濕相凝作痛者效即前

方去柴胡加神麴五分炒蒼朮五分炒黃蘗五分炒  
歌方補中益氣加麥味潰後見證同內傷參耆歸朮升  
柴草麥味陳皮引棗薑人參黃耆寒濕熱加麴蒼  
藥減柴方

# 獨參湯

此湯治潰瘍膿水出多元氣虛餒外無邪氣自汗脈  
虛者宜服之

人參 二兩

右一味水二鍾棗十枚或蓮肉元眼肉煎好徐徐服之若煎至稠厚即成膏矣作三次用醇酒熱化服之亦可

方歌 膿水過多元氣餒不生他恙獨參宜徐徐代飲無窮妙棗蓮元肉共煎之

溫胃飲

此湯治癰疽脾胃虛弱或內傷生冷外感寒邪致生呃逆中脘疼痛嘔吐清水等證宜急服之

人參一錢

白朮二錢  
土炒

乾薑

一錢  
炮

甘草一錢

丁香

五分

沉香一錢

柿蒂

十四個

吳萸

七分  
酒洗

附子

一錢  
製

右九味水三鍾薑三片棗二枚煎八分不拘時服

方歌溫胃飲治寒呃逆內傷外感冒寒生理中加丁沉

柿蒂寒盛吳萸附子寧

橘皮竹茹湯

此湯治潰瘍胃火上逆氣衝以致時時呃逆身熱煩渴口乾脣焦此熱呃也服之有效

橘紅二錢

竹茹三錢

生薑一錢

柿蒂七個

人參一錢

黃連一錢

右六味水二鍾煎八分空心溫服

方歌橘皮竹茹熱呃逆胃火氣逆上衝行橘紅竹茹薑

柿蒂虛加參補熱連清

胃愛丸

此丸治潰瘍脾胃虛弱諸味不喜者宜服此丸助脾氣開胃口而飲食自進矣

人參一兩

山藥

一兩肥大上白者切片  
男乳拌令透晒後微焙

建蓮肉

五錢  
去皮心

白豆蔻三錢

小紫蘇

五錢

蜜拌晒乾微蒸片時連梗葉切片

陳皮

六錢

用陳老米先炒黃色方入同炒微燥勿焦

雲片白朮

一兩鮮白者米泔浸去澁水切片曬乾同麥芽拌炒

甘草

三錢炙

上白茯苓

一兩切一分厚咀片用砂仁二錢同茯苓合碗內飯上蒸熟

右九味共為細末用老米二合微焙碾粉泡荷葉熬湯打糊丸梧桐子大每服八十丸清米湯送下不拘時服

方歌

不思飲食宜胃愛開胃扶脾效若仙異功山藥蘇

梗葉建蓮白蔻米糊丸

清震湯

治潰瘍脾腎虛弱或誤傷生冷或氣惱勞役或病後入房太早以致寒邪乘入中脘乃生呃逆急服之

人參

益智仁

半夏

各一錢製

澤瀉三分

香附

陳皮

白茯苓

各一錢

附子

一錢製

炙甘草

一錢

柿蒂

二十四個

方歌清震湯治腎家寒人參益智半夏攢澤瀉香附陳

茯苓附子甘草柿蒂煎

二神丸

此丸治癰疽脾腎虛弱飲食不消黎明溏瀉者服之  
有效

肉果

二兩

麪裹煨肥大者搗去油

補骨脂

四兩

微炒香

右二味共為細末用大棗四十九枚老生薑四兩

切片水浸薑棗煮至水乾為度取棗肉為丸桐子  
大每夜半用清米湯送下七十丸治腎瀉脾瀉甚  
效

方歌二神丸治脾腎弱飲食不化瀉黎明肉果補脾骨

脂腎生薑煮棗肉丸成

加味地黃丸

此丸治癰疽已潰虛火上炎口乾作渴者宜服之

熟地

八兩  
酒蒸搗膏

山藥

四兩  
炒

山萸肉

五兩  
去核

白茯苓

四兩

牡丹皮

四兩  
酒洗

澤瀉

三兩  
蒸

肉桂

六錢

五味子

三兩  
炒

右八味共為末煉蜜丸如梧桐子大每服二錢空心鹽湯送下

方歌加味地黃勞傷腎水衰津少渴良方山萸山藥丹

苓澤肉桂五味熟地黃

參朮膏

此膏治癰疽發背等證大潰膿血之後血氣大虛急  
宜用此補之

人參

半觔切片用水五大碗沙鍋慢火熬至三碗將  
渣再煎汁一碗共用密絹濾淨復熬稠厚磁碗  
內收貯  
聽用

雲片白朮

六兩

懷慶熟地

六兩

俱熬同上法

以上三膏各熬完畢各用磁罐盛之入水中待冷  
取起密蓋勿令泄氣如患者精神短少懶於言動  
短氣自汗者以人參膏三匙白朮膏二匙地黃膏

一匙俱用無灰好酒一杯炖熱化服如脾虛弱飲食減少或食不知味或已食不化者用白朮膏三匙人參膏二匙地黃膏一匙熱酒化服如腰膝痠軟腿腳無力皮膚枯槁者用地黃膏三匙參朮膏各二匙化服如氣血脾胃相等無偏勝者三膏各二匙熱酒化服此膏用於清晨及臨睡時各進一次自然強健精神頓生氣血新肉易長瘡口易合一切瘡形危險勢大膿多者服之自無變證也

夏天炎熱恐膏易變令作二次熬用亦好愈後常服能鬚髮變黑返老還童已上諸方功難及此

方歌參朮膏治大膿後血氣雙補此方宗人參白朮同

熟地熬成膏服有奇功

八仙糕

此糕治癰疽脾胃虛弱食少嘔泄精神短少飲食無味食不作饑及平常無病久病者服之能健脾胃

山藥 六兩

人參 六兩

粳米 七升

糯米 七升

白蜜 一觔

白糖霜 二兩半

蓮肉 六兩

芡實 六兩

白茯苓 六兩

右將山藥人參蓮肉芡實茯苓五味各為細末再將粳糯米為粉與上藥末和勻將白糖入蜜湯中炖化隨將粉藥乘熱和勻攤鋪籠內切成條蒸熟火上烘乾磁器收貯每日清早用白湯泡數條或

乾用亦可饑時隨用服至百日啟脾壯胃功難筆述

歌方八仙糕用健脾胃食少嘔泄服之靈山藥人參粳糯米蜜糖蓮茨白雲苓

洗滌類方

洗有蕩滌之功滌洗則氣血自然舒暢其毒易於潰腐而無壅滯也凡腫在四肢者溺漬之在腰腹脊背者淋之在下部者浴之俱以布帛或棉蘸洗

稍溫即易輕者日洗一次重者日夜洗二次每日洗之不可間斷凡洗時冬月要猛火以逼寒氣夏月要明窻以避風涼若不慎此輕則有妨收口重則恐變純陰夫洗藥不一如初腫與將潰者俱用葱歸溺腫湯燙洗如陰證不起者俱用艾葦湯敷法如潰後俱用猪蹄湯燙洗用猪蹄湯者以助肉之氣而逐腐也此滌洗之法乃瘍科之要藥也

葱歸溺腫湯

此湯治癰疽瘡瘍初腫將潰之時用此湯洗之以瘡  
內熱癢為度

獨活

三錢

白芷

三錢

蔥頭

七個

當歸

三錢

甘草

三錢

右五味以水三大碗煎至湯醇濾去渣以絹帛蘸  
湯熱洗如溫再易之

方歌  
葱歸渴腫洗諸毒初起將潰用之宜洗至熱癢斯

為度獨芷葱歸甘草俱

艾茸敷法

此膏治陰瘡黑陷而不痛者用之為良以知痛則生  
不知痛出紫血者死然必內服大補回陽之劑以助  
之

硫黃 五錢

雄黃 五錢

艾茸 一觔

右以硫雄二味為末同艾入水煎半日水將乾取

艾出搗爛溫敷患處再煎再易十餘次為度

方歌艾茸敷法治陰瘡黑陷不痛用之良石硫雄黃同

艾煮搗成膏敷定能康

豬蹄湯

此湯治癰疽諸毒流膿者熬好洗之以助肉氣消腫散風脫腐止痛去惡肉活死肌潤瘡口如腐盡者不必用之當以米泔水熱洗之令瘡潔淨不可過洗過洗則傷水皮膚破爛難生肌肉斂口矣

黃芩

甘草

當歸

赤芍

白芷

蜂房

羌活

各等分

右七味共為粗末看證之大小定藥之多少先將  
獾豬前蹄一隻用水六碗煮蹄軟為度將汁濾清  
吹去汁上油花即用粗藥末一兩投於汁中再用  
微火煎十數沸濾去渣候湯微溫即用方盤一箇

靠身於瘡下放定隨用軟絹蘸湯淋洗瘡上并入  
孔內輕手捺盡內膿庶敗腐宿膿隨湯而出以淨  
為度再以軟帛疊七八重蘸湯勿令大乾覆於瘡  
上兩手輕按片時帛溫再換如此再按四五次可  
以流通血氣解毒止痛去瘀也洗訖用絹帛挹乾  
即隨證以應用之藥貼之

方歌豬蹄湯治癰疽毒已潰流膿用此方消腫散風能  
止痛芩甘歸芍芷蜂羌

膏藥方類

萬應膏

此膏治一切癰疽發背對口諸瘡痰核流注等毒貼之甚效

川烏

草烏

生地

白歛

白及

象皮

官桂

白芷

當歸

赤芍

羌活

苦參

土木鱉

穿山甲

烏藥

甘草

獨活

元參

定粉

大黃各五錢

右十九味定粉在外用淨香油五觔將藥浸入油  
內春五夏三秋七冬十候日數已足入潔淨大鍋

內慢火熬至藥枯浮起為度住火片時用布袋濾去渣將油稱準每油一觔對定粉半觔用桃柳枝不時攪之以黑如漆亮如鏡為度滴入水內成珠薄紙攤貼

方歌萬應膏用貼諸毒發背癰疽對口瘡川草烏同地  
蘇及象皮桂芷芍歸羌苦參木鱉穿烏藥甘獨元  
參定粉黃

紺珠膏

此膏治一切癰疽腫毒流注頑癰風寒濕痺癰瘰乳癰痰核血風等瘡及頭痛牙疼腰腿痛等證悉驗

製麻油四兩

製松香一觔

右將麻油煎滾入松香文火溶化柳枝攪候化盡離火下細藥末二兩三錢攪勻即傾於水內拔扯數十次易水浸之聽用

一癰血腫毒癰瘰等證但未破者再加魏香散隨膏之大小患之輕重每加半分至三二分為率

一毒深膿不盡及頑瘡對口等證雖潰必用此膏獲效

一未破者貼之勿揭揭則作癢痛亦勿揭能速於成膿患在平處者用紙攤貼患在灣曲轉動處者用絹帛攤貼

一臙瘡及臀腿寒濕等瘡先用茶清入白礬少許洗淨貼之見效

一頭痛貼太陽穴牙痛塞牙縫內

一內癰等證作丸用蛤粉為衣服下

一便毒痰核多加魏香散如膿瘡再加銅青如壇拱頭癰毒貼之亦效

### 製油法

每麻油一觔用當歸木鱉子肉知母細辛白芷巴豆肉文蛤打碎山茨菇打碎紅芽大戟續斷各一兩槐柳枝各二十八寸入油鍋內浸二十一日煎枯去渣取油聽用查朝鮮琥珀膏多續隨子此方

宜加之

製松香法

擇片子淨嫩松香為末十觔取槐柳桃桑芙蓉等  
五樣枝各五觔剉碎用大鍋水煎濃汁濾淨再煮  
一次各收之各分五分每用初次汁一分煎滾入松  
香末二觔以柳槐枝攪之煎至松香沉下水底為  
度即傾入二次汁內乘熱拔扯數十次以不斷為  
佳候溫作餅收之餘香如法

膏內細藥方

乳香

沒藥 各五錢

明雄黃

四錢

血竭

五錢

麝香

一錢

輕粉

二錢

右為細末加入膏內用

魏香散

乳香

沒藥

血竭

各等分

阿魏

麝香 各減半

為末罐收聽用

方歌 紺珠膏貼癰疽毒流注頑癰濕痺名癰癰乳癰痰

核塊血風頭痛及牙疼松香化入麻油內乳沒雄

黃竭麝輕隨證更加魏香散麝香魏竭乳沒并

陀僧膏

此膏專貼諸般惡瘡流注癰癰跌撲損破金刃誤傷  
等證用之有效

南陀僧

二十兩  
研末

赤芍二兩

全當歸

二兩

乳香

五錢  
去油研

沒藥

五錢  
去油研

赤石脂

二兩  
研

苦參

四兩

百草霜

二兩  
篩研

銀黝

一兩

桐油

二觔

香油

一觔

血竭

五錢  
研

孩兒茶

五錢  
研

川大黃

半觔

右藥先將赤芍當歸苦參大黃入油內燂枯熬至

滴水不散再下陀僧末用槐柳枝攪至滴水將欲成珠將百草霜細細篩入攪勻再將羣藥及銀黝篩入攪極勻傾入水盆內衆手扯千餘下再收入磁盆內常以水浸之

方歌陀僧膏貼諸惡瘡流注癰癰跌撲傷陀僧赤芍歸

乳沒赤脂苦參百草霜銀黝桐油香油共血竭兒

茶川大黃

巴膏方

此膏貼一切癰疽發背惡瘡化腐生肌甚效

象皮六錢

穿山甲六錢

山梔子八十個

兒茶二錢  
另研極細末

人頭髮一兩二錢  
另研極細末

血竭一錢

硃砂三錢  
另研極細末

黃丹飛

香油  
  
桑槐桃柳杏枝各五十寸

右將桑槐桃柳杏五枝用香油四觔將五枝燂枯  
撈出次入象皮穿山甲人頭髮燂化再入山梔子

煤枯用絹將藥渣濾去將油復入鍋內煎滾離火  
少頃每油一觔入黃丹六兩攪勻用慢火熬至滴  
水中成珠將鍋取起再入血竭兒茶硃砂等末攪  
融用涼水一盆將膏藥傾入水內用手扯藥千餘  
遍換水數次拔去火氣磁罐收貯用時不宜見火  
須以銀杓盛之重湯炖化薄紙攤貼

方歌

癰疽發背用巴膏象甲梔茶髮竭硃枝用桑槐桃

柳杏黃丹攪和共油熬

亞聖膏

此膏治一切破爛諸瘡並楊梅結毒貼之甚效

象皮一兩

驢甲一塊  
即懸蹄

鷄子清三個

木鱉子七個

蛇蛻二錢

蟬蛻四錢

血餘三錢

穿山甲六錢

槐枝

榆枝

艾枝

柳枝

桑枝各二十一寸 黃丹

黃蠟

麻油 三觔

右將藥浸七日煎如常法濾去渣每淨油一觔入黃丹七兩煎成膏入黃蠟五錢化勻再加血竭五錢兒茶三錢乳香三錢沒藥三錢煨牡蠣五錢五靈脂五錢右五味研極細末入膏內成膏出火攤貼

方歌  
亞聖膏治破爛瘡楊梅結毒貼之良象  
驢鷄鰲蛇

蟬蛻血甲槐榆艾柳桑丹蠟麻油勻化後竭茶乳  
沒蠟靈襄

絳珠膏

此膏治潰瘍諸毒用之去腐定痛生肌甚效

天麻子肉八十一粒 鷄子黃十個

麻油十兩 血餘五錢

黃丹二兩 白蠟三兩

血竭三錢 硃砂二錢

輕粉 三錢

乳香 三錢

沒藥 三錢

兒茶 三錢

冰片 一錢

麝香 五分

珍珠 三錢

右將麻油燂血餘至焦枯加麻子肉鷄子黃再燂  
枯去渣入蠟候化離火少時入黃丹攪勻再加細  
藥和勻收用攤貼

歌方絳珠化腐生肌麻肉鷄黃油血餘丹蠟竭砂輕

乳沒兒茶水麝共珍珠研細和勻隨證用乳岩須  
要入銀朱

乳岩加銀朱一兩

# 絳紅膏

此膏治一切腫毒已成疼痛不消者貼之悉效

銀硃

五錢

右一味為細末以生桐油調攤如膏先用神燈照  
後貼此膏

方歌絳紅膏治毒已成腫痛難消用最靈一味銀朱為  
細末桐油調和貼之平

加味太乙膏

此膏治發背癰疽及一切惡瘡濕痰流注風濕徧身  
筋骨走注作痛湯燙火燒刀傷棒毒五損內癰七傷  
外證俱貼患處又男子遺精女人白帶俱貼臍下臍  
毒腸癰亦可丸服諸般瘡癰血風癩癢諸藥不止痛  
癢者並效

白芷

當歸

赤芍

元參各二兩

柳枝

槐枝各一百寸

肉桂二兩

沒藥三錢

大黃二兩

木鱉二兩

輕粉

四錢

研不見星

生地二兩

阿魏

三錢

黃丹

四十兩  
水飛

乳香五錢

血餘一兩

右將白芷當歸赤芍元參肉桂大黃木鱉生地八  
味併槐柳枝用真麻油足稱五觔將藥浸入油內  
春五夏三秋七冬十入大鍋內慢火熬至藥枯浮  
起為度住火片時用布袋濾淨藥渣將油稱準用  
細舊絹將油又濾入鍋內要清淨為佳將血餘投  
上慢火熬至血餘浮起以柳枝挑看似膏溶化之  
象方算熬熟淨油一觔將飛過黃丹六兩五錢徐  
徐投入火加大些夏秋亢熱每油一觔加丹五錢

不住手攪候鍋內先發青烟後至白烟疊疊旋起  
氣味香馥者其膏已成即便住火將膏滴入水中  
試軟硬得中如老加熱油如稀加炒丹每各少許  
漸漸加火務要冬夏老嫩得所為佳候烟盡掇下  
鍋來方下阿魏切成薄片散於膏上化盡次下乳  
沒輕粉攪勻傾入水中以柳棍攪成一塊再換冷  
水浸片時乘溫每膏半觔扯拔百轉成塊又換冷  
水浸隨用時每取一塊銅杓內復化隨便攤貼至

妙

方歌太乙膏治諸般毒一切瘡傷俱貼之白芷當歸赤

芍藥元參桂沒柳槐枝太黃木鱉輕生地阿魏黃  
丹乳血餘

白膏藥

此膏專貼諸瘡腫毒潰破流膿甚效

淨巴豆肉

十二兩

蓖麻子

十二兩  
去殼

香油

三觔

蝦蟇

五個  
各啣人髮一團

活鯽魚十尾

先將巴豆肉蓖麻子入油內浸三日再將蝦蟇浸一宿臨熬時入活鯽魚共燂焦去渣淨慢火熬油滴水成珠離火傾於淨鍋內再加官粉二觔半乳香末五錢不時攪之冷定為度用時重湯炖化薄紙攤貼

方歌

白膏專貼諸瘡毒巴豆蓖麻浸入油活鯽蝦蟇同燂後再將官粉乳香投

# 化腐紫霞膏

此膏善能穿透諸毒凡發背已成瘡肉不腐及不作膿者用此膏以腐爛瘡肉穿潰膿毒其功甚效

金頂砒五分

潮腦一錢

螺螄肉

二兩用肉

曬乾為末

輕粉三錢

血竭二錢

巴豆仁

五錢研用白仁

右各為末共碾一處磁罐收貯臨用時用麻油調

搽頑硬肉上以棉紙蓋上或膏貼俱可

方歌化腐紫霞膏穿毒透膿化腐效如神金砒潮腦螺

螯肉粉竭蘇仁巴豆仁

貝葉膏

此膏貼癰疽發背一切潰爛諸瘡

蘇油一觔

血餘鷄子大一個

白蠟二兩

右將血餘以文火燂化去渣下火入白蠟溶化候

溫用棉紙剪塊三張張張於油蠟內蘸之貼於磁器幫上用時揭單張貼患處日換八九次力能定痛去腐生肌其功甚速切勿忽之

方歌

貝葉膏治潰爛瘡去腐生肌功效強血餘麻油煎渣去下火入蠟化貼良

### 碧螺膏

此膏治下部濕瘡疥癬并結毒瘰串癰瘡

松香

取嫩白者佳為末篩過用銅盆以豬油遍搽之入水至滾入香不住手攪之以香沉底為度即

傾冷水中拔扯百十次以不斷為度

右將麻油煎滴水成珠入松香一觔文火溶化看  
老嫩取起離火住滾徐徐入糠青膽礬各淨末五  
錢以柳枝左攪勻為度如老加熟豬油二三錢用  
綠紙薄攤貼之

方歌碧螺膏治疥濕瘡豬脂麻油嫩松香再入糠青膽  
礬末綠紙攤貼效非常

# 麻藥類方

瓊酥散

此散治一切腫毒等瘡服之開鍼不痛

蟾酥一錢

半夏六分

開羊花六分

胡椒一錢八分

川椒一錢八分

萆薢一錢

川烏一錢八分

右七味共為細末每服半分黃酒調服如欲大開

加白酒藥一丸

方瓊酥散是麻人藥開鍼不痛用蟾酥葷芫開羊生

半夏胡椒川椒與川烏

整骨麻藥

此藥開取箭頭服之不痛

麻黃

胡茄子

薑黃

川烏

草烏各等分

開羊花倍用

右六味共為末每服五分茶酒任下欲解用甘草

煎湯服之即甦

方歌整骨麻藥取箭頭不傷筋骨可無憂麻黃薑黃胡  
茄子川草烏與開羊投

外敷麻藥

此藥敷於毒上麻木任割不痛

川烏尖

五錢

草烏尖

五錢

蟾酥

四錢

胡椒

一兩

生南星

五錢

生半夏

五錢

一方加葦茛五錢一方加細辛一兩

右為末用燒酒調敷

方外敷麻藥調燒酒刀割不痛效最神川草烏蟾椒

星夏一加葦茛一加辛

去腐類方

腐者壞肉也諸書云腐不去則新肉不生蓋以腐能浸淫好肉也當速去之如遇氣實之人則用刀割之取效若遇氣虛之人則惟恃藥力以化之蓋

去腐之藥乃瘍科之要藥也

# 白降丹

此丹治癰疽發背一切疔毒用少許瘡大者用五六釐瘡小者用一二釐水調敷瘡頭上初起者立刻起炮消散成膿者即潰腐者即脫消腫誠奪命之靈丹也

硃砂

雄黃 各二錢

水銀 一兩

硼砂 五錢

火消

食鹽

白礬

皂礬 各一兩五錢

先將硃雄礬三味研細入鹽礬硝皂水銀共研勻  
以水銀不見星為度用陽城礬一個放微炭火上  
徐徐起藥入礬化盡微火逼令乾取起如火大太  
乾則汞走如不乾則藥倒下無用其難處在此再  
用一陽城礬合上用棉紙截半寸寬將罐子泥草  
鞋灰光粉三樣研細以鹽滴滴汁調極濕一層泥

一層紙糊合口四五重及糊有藥罐上二三重地  
下挖一小潭用飯碗盛水放潭底將無藥罐放於  
碗內以瓦挨潭口四邊齊地恐炭灰落碗內也有  
藥罐上以生炭火蓋之不可有空處約三炷香去  
火冷定開看約有一兩外藥矣煉時罐上如有綠  
烟起急用筆蘸罐子鹽泥固之

紅升丹

此丹治一切瘡瘍潰後拔毒去腐生肌長肉瘡口堅

硬肉黯紫黑用丹少許鷄翎掃上立刻紅活瘍醫若無紅白二丹決難立刻取效

硃砂

五錢

雄黃

五錢

水銀

一兩

火消

四兩

白礬

一兩

皂礬

六兩

先將二礬火消研碎入大銅杓內加火消一小盃  
炖化一乾即起研細另將汞硃雄研細至不見星  
為度再入消礬末研勻先將陽城罐用紙筋泥搪

一指厚陰乾常輕輕撲之不使生裂紋搪泥礮子  
泥亦可用如有裂紋以礮子泥補之極乾再晒無  
裂紋方入前藥在內礮口以鐵油盞蓋定加鐵梁  
盞上下用鐵鑊鐵絲紮緊用棉紙撚條蘸蜜周圍  
塞礮口縫間外用熟石膏細末醋調封固盞上加  
炭火二塊使盞熱礮口封固易乾也用大釘三根  
釘地下將礮子放釘上礮底下置堅大炭火一塊  
外砌百眼爐升三炷香第一炷香用底火如火大

則汞先飛上二炷香用大半礶火以筆蘸水擦盞  
第三炷香火平礶口用扇搨之頻頻擦盞勿令乾  
乾則汞先飛上三香完去火冷定開看方氣足盞  
上約有六七錢刮下研極細磁礶盛用再預以鹽  
滷汁調礶子稀泥用筆蘸泥水掃礶口周圍勿令  
洩氣蓋恐有綠烟起汞走也綠烟一起即無用矣  
方歌白降丹為奪命丹拔膿化腐立時安硃雄汞與礶  
砂入還有消鹽白皂礬若去礶鹽紅升是長肉生

肌自不難

元珠膏

此膏治腫瘍將潰塗之膿從毛孔吸出已開鍼者用  
撚蘸送孔內呼膿腐不淨塗之立化

木鱉子肉

十四個

蟹螯

八十一個

柳枝

四十九寸

驢甲片

三錢

草烏

一錢

麻油

二兩

右藥浸七日文火燂枯去渣入巴豆仁三個煎至

黑傾於鉢內研如泥加麝香一分攪勻入罐內收用

方歌呼膿化腐用元珠木鱉蟹蚤共柳枝驢甲草烏油  
內浸煤枯巴豆麝香施

生肌類方

凡大毒潰爛內毒未盡若驟用生肌則外實內潰  
重者逼毒內攻輕者反增潰爛雖即收口其於旁  
處復生大疽是知毒未盡不可驟用生肌藥也只

以貝葉膏貼之頻換俟生肉珠時方用生肌藥如  
元氣弱者須當大補以培元氣

# 生肌定痛散

此散治潰爛紅熱腫痛有腐者用此化腐定痛生肌

生石膏

一兩

為末用甘草湯飛五七次

辰砂 三錢

冰片 二分

硼砂 五錢

右四味共為末撒患處

方生肌定痛治潰爛腫疼紅熱實相宜石膏飛過辰砂用共入冰硼細撒之

輕乳生肌散

此散治潰爛紅熱腫痛腐脫者用此定痛生肌

石膏

一兩煨

血竭

五錢

乳香

五錢

輕粉

五錢

冰片

一錢

有水加龍骨白芷

各一錢

不收口加雞內金

一錢  
炙

右為末撒之

方歌輕乳生肌治腐脫石膏血竭乳輕冰若然有水加

龍芷收口須添雞內金

薑礬散

此散治一切諸瘡發癢者用此撒之甚效

枯礬

乾薑

右等分為末先用細茶食鹽煎湯洗之後用此散

撒之

冷瘡不收口者用乾薑一味為末撒患處覺熱如烘生肌甚效

方歌薑礬最治諸瘡癢先用鹽茶煎洗之若是冷瘡不

收口乾薑一味撒生肌

腐盡生肌散

此散治一切癰疽等毒諸瘡破爛不斂者撒上即愈

兒茶

乳香

沒藥 各三錢

冰片 一錢

麝香 二分

血竭 三錢

旱三七 三錢

右為末撒之

有水加龍骨 一錢

煨

欲速收口加珍珠 一兩

蟹黃 二錢

法取團臍蟹蒸熟取黃晒乾取用

或用猪脂油

半觔去渣加黃蠟 一兩

溶化傾碗內稍溫

加前七味調成膏攤貼癰疽破爛等證若杖傷則  
早三七倍之

一用鮮鹿腿骨紙包灰內煨之以黃脆為度如黑  
焦色則無用矣為細末撒之生肌甚速

方歌

腐盡生肌瘡不斂兒茶乳沒冰麝香血竭三七水  
加骨收口珍珠共蟹黃或用猪油溶黃蠟調前七  
味貼之良一用火煨鹿腿骨為散生肌效甚長

月白珍珠散

此散治諸瘡新肉已滿不能生皮及湯火傷痛并下  
疳腐痛等證

青缸花

五分

輕粉

一兩

珍珠

一錢

右為末撒之

下疳腐爛用豬脊髓調搽

一用雞子清傾瓦上晒乾取清為末撒之

歌方  
月白珍珠皮不長并醫湯火下疳瘡青缸輕粉珍

珠共豬髓調搽真妙方一用雞清傾瓦上晒乾為末撒之良

五色靈藥

此五色靈藥治癰疽諸瘡已潰餘腐不盡新肉不生撒之最效

食鹽

五錢

黑鉛

六錢

枯白礬

枯皂礬

水銀

火消

各二兩

先將鹽鉛鎔化入水銀結成砂子再入二礬火消  
同炒乾研細入鉛汞再研以不見星為度入礬內  
泥固濟封口打三炷香不可太過不及一宿取出  
視之其白如雪約有二兩為火候得中之靈藥

如要色紫者加硫黃

五錢

要黃色者加明雄黃

要色紅者用黑鉛九錢水銀一兩枯白礬二兩火  
消三兩辰砂四錢明雄黃三錢

升煉火候俱如前法

凡升打靈藥硝要炒燥礬要煨枯

一方用燒酒煮乾炒燥方研入罐

一法凡打出靈藥倍加石膏和勻復入新罐內打

一枝香用之不痛

方歌五色靈藥白用鹽黑鉛硝汞皂枯礬欲成紫色硫

黃入黃者雄黃加五錢紅去皂鹽鉛重用硃砂飛

盡必須添

生肌玉紅膏

此膏治癰疽發背諸般潰爛棒毒等瘡用在已潰流膿時先用甘草湯甚者用豬蹄湯淋洗患上軟絹挹淨用抵欄挑膏於掌中捺化遍捺新肉上外以太乙膏蓋之大瘡洗換二次內無服大補氣血之藥新肉即生瘡口自斂此外科收斂藥中之神藥也

當歸

二兩

白芷

五錢

白蠟

二兩

輕粉

四錢

甘草一兩二錢

紫草二錢

瓜兒血竭四錢

麻油一觔

右將當歸白芷紫草甘草四味入油內浸三日大  
杓內慢火熬微枯色細絹濾清將油復入杓內煎  
滾入血竭化盡次下白蠟微火亦化用茶鍾四個  
預放水中將膏分作四處傾入鍾內候片時方下  
研極細輕粉各投一錢攪勻候至一日夜用之極  
效

方歌生肌玉紅膏最善潰爛諸瘡搽即收歸芷蠟輕甘

紫草瓜兒血竭共麻油

瑩珠膏

此膏治潰瘍去腐定痛生肌并楊梅瘡杖賺瘡下疳等證

白蠟 三兩

豬脂油 十兩

輕粉

末 一兩五錢

樟冰

末 一兩五錢

先將白蠟脂油溶化離火候溫入輕粉樟冰攪勻

候稍凝再入冰片末一錢攪勻成膏確收聽用  
凡用先將甘草苦參各三錢水煎洗淨患處貼膏  
杖瘡用荆川紙攤極薄貼之熱則易之其疔瘰即  
散疼痛立止

楊梅瘡加紅粉二錢

頑瘡乳岩加銀硃一兩

賺瘡加水龍骨三錢或龍骨四錢

方歌瑩珠膏用治潰瘡定痛生肌功效強白蠟豬脂樟

冰粉楊頑乳杖并賺瘡

呂祖一枝梅

此藥治男婦大人小兒新久諸病生死難定之間用  
芡實大一餅貼印堂之中點官香一枝香盡去藥已  
後一時許視貼藥處有紅斑暈色腫起飛散謂之紅  
霞捧日病雖危篤其人不死如貼藥處一時後不腫  
不紅皮肉照舊不變謂之白雲漫野病雖輕淺終歸  
冥路小兒急慢驚風一切老幼痢疾俱可貼之凡病

用之皆可預知生死也

雄黃

五錢

巴豆仁

五錢  
不去油

硃砂

三分

五靈脂

三錢

銀朱

一錢五分

蓖麻仁

五分

麝香

三分

右各研細於端午日淨室中午時共研加油燕脂  
為膏磁盒收藏勿經婦人之手臨用豆大一圓梔  
餅貼印堂中其功立見用過餅送入河中

方歌呂祖一枝梅驗病定人生死印堂中紅斑腫起斯

為吉無腫無紅命必終藥用五靈菰麻子砂銀巴

豆麝香雄

御纂醫宗金鑑卷六十二



總校官庶吉士臣張能照  
校對官編修臣楊壽楠  
謄錄監生臣洪策